

棲霞縣志卷之六

知棲霞縣事加二級古燕胡 璘 霖 玉 父 重 修

賜進士內府禮科給事中邑人李唐裔西林父鑒定

賜進士候 選 知 縣 邑 人 牟 國 須 柱 東 父 訂 正

邑舉人牟國玠鳳伯父纂輯

人物志

靈山之靈文水之文篤生君子代有其人湛得

浮英砥行勵節檢鏡攸歸羽儀斯設

地志史之屬人物志則又史之列傳屬也賢否

棲霞縣志

卷之六

人物

一

並書瑜瑕不掩不亦烺烺信史乎然檇杙以志

惡高士列女之傳名臣言之錄又專以志美

善善長而惡惡短或亦春秋微義歟棲之文獻

雖曰無徵其間懿行表著不容泯沒又有能稱

述之者稱忠節則知親上之義稱孝友則識敦

本之誼稱循良而達者知所以善世稱義厚而

隱者亦可以淑身道學稱而質文咸備貞潔稱

而內外無愆老成不遠典刑如在則憑吊芳踪

亦風世範俗之先務也志人物一卷

經術

西漢

轅固

腫人治詩孝景時為博士以廉直拜清河太傅
疾免武帝即位復以賢良徵公孫弘側目視之
曰公孫子務正學以言毋曲學阿世諸儒多嫉
毀遂以老罷歸後歷多詩顯者皆固弟子也

論曰曲學一語凜凜乎惴公孫諸人之心矣宜
其嫉毀罷歸哉然以詩開腫士而腫詩顯則公

棲霞縣志

卷之六

經術

二

之經術經世也已第不知諸顯者率能正學以
言否耶

勲臣

明

高翼

洪武初膺才行卓異薦累官大中丞佐師雲
 焯著勲績蓋以碩膚重望翊運國初方之黃忠
 宣之功名薛忠武之勇畧實伯仲焉九歌歷之
 地如濟南遼左雲南皆俎豆公嘉靖十一年
 東撫按以功業蓋六郡譽望超一鄉者名宦自
 鐵鉉而下二十一人鄉賢自黃福而下十九人
 特祀濟南崇正祠而公與
 之本縣祀鄉賢世復其家

直臣

明

張綱

永樂丁酉領山東薦書累晉監察御史
剛介嚴直當時稱鐵面御史祀鄉賢

孫祿

字天錫弘治己酉領鄉薦丙辰賜進士授戶部
主事時大同缺郎中銓曹難其選上曰何不著
小孫主事去遂特勅公公天性骯髒凡事執法
毋撓雖宗人勲戚莫不斂手避威及入大同剔
蠹摺奸軍儲獲濟故事每放支歲羨六七萬兩
歸主者公不恥悉輸內帑逆瑾有所索忤之為所

誣繫人皆危公而公恬如也瑾誅出守楊州郡
會武宗南巡郡苦衝途浩費公酌定供需條緒

棲霞縣志

卷之六

直臣

四

不素即內璫不得橫取嘗有倖臣捕諸富商索
賄公不應倖臣怒乃請駕帖逮公獄事尋白得
復任會入覲吏部最公治行第一欽旌苦節特
宴卓異進秩山西右叅政仍領郡無何忤張御
史坐誣左遷右叅議尋轉原秩累陞應天府尹
嬰疾歸降旨存問差醫胗治方虛位以俟痊可
意不次用之而
公卒祀鄉賢

治臣

明

解延年

字世紀三原教諭鏘之子也正統辛酉鄉舉第
 二人壬戌成進士授戶部主事轉員外郎尋知
 四川重慶府歷官廉慎茂著勲名為郡尤篤意
 惠綏崇表往哲風勵後來凡民間利病罔不及
 時興除天順八年夏旱公心資若面蹙設誠禱之
 輒有應歲賴不侵嘗見土產資民生者預書名
 品教民備荒其孳孳為民類如此堅之操介
 石無二去郡行橐蕭然有頌其政者曰才華不
 減文翁化廉介猶嫌劉寵錢又曰試問行囊何
 所有數篇書籍壓船輕至今廟公郡治堂後仍
 祀名宦本
 縣祀鄉賢

棲霞縣志

卷之六

治臣

五

林恂

字宗魯義民林茂子成化甲午領鄉薦累
 官重慶知府以禮化民多著顯績祀鄉賢

丁鉞

字汝器循年貢知五河嚴斷有為公勤不苟案
 無停牘民無拂情當道奇之凡艱鉅輒委公而
 公游刃有餘及謝事
 歸百姓攀泣不忍去

林繩武

字文孝以歲貢貳商城政聲蔚起清節苦持職
 司餉羨可千金毫無染指委辦京楮價省楮精
 內閣署上考擢宰安塞惟一僕隨任清操惠政
 視商城有加嘗問一竊罪當徒遂中道殂公聞
 之流涕數日慈愛類若此者安塞當五路邊衝
 舊皆極力承奉雖公後亦必厚遺公自應傳外

不加毫末坐是謗興而公從容處之不至者不
或勸畫途資公矢不節時編戶恐後歸焉安
即知民間低昂乃竣其事携圖書數卷去後之
之民與鄰於安之民莫不遮道攀留多去後
思有哭送百里者有隨行直至中途號泣而別
者又安人三十餘從低家數日方去十里外猶
然返顧哭聲不絕
其德政感人如此

牟道立

字允修由拔貢初授涿州尹涿當天下之衝往
來供應日不暇給居民病之時冢宰趙與公同
鄉經過其地遣使馳牌督催驛馬公曰竭民力
以結顯貴吾不忍也碎牌不應使以告趙趙亦
稱之性嗜秫米有馬頭者藏大銀四錠借米以
進公覺反銀重懲以法役悉畏服奸風以息陞
叙州府判值奢人寇出兵征勦公督餉輸輓不
匱績聞加陞二級而公已卒於官矣家人扶櫬
歸囊購蕭然世傳為清白吏云

棲霞縣志

卷之六

治臣

六

郝守栻

貢士知無極縣贈御史厚產讓弟能順親心豁
度容物獎士瞻窮居官清廉慈愛嗣多英喆稱
為仁人之
報祀鄉賢

牟道行

字兆可萬曆辛卯薦鄉書授宜陽知縣在官勤
敏平和政舉其要省荒勸農多聽訟不形喜怒
事敵比民鼓舞樂輸歲無逋欠聽訟不形喜怒
使民情得以達而奸猾無所施其巧詞無濫
收罪弗苛求民為所化囿以空與士子課文
講學有期有禮士彬彬以興歷任三年考績稱
最尋復留任三年宜民愛敬兼父母神明之戴
立生祠祀之卓異行耻陞真定府同知沒於宜

祀名宦居鄉好施予歲凶代輸通社丁銀不稱其償鄉黨賴之以全刊訂縣志典籍昭垂人稱云文獻

崔應登

舉人吉安府推官行取戶部主事繼母克順著聲居鄉二十年毫無請託居官清慎執法有名宦兩祠焉本縣祀鄉賢

孫以約

歲貢初任遵化丞陞山西平陽府汾西縣知縣為諸生時舉行優有事故如父捐廩濟貧之獎居官廉明仁恕有卓魯之風焉

國朝

棲霞縣志

卷之六

治臣

七

郝晉

字康仲號崑岳戊辰進士初授巴縣知縣僕隸多縱侵奪公立斃杖下當銜之弗顧也朝天門舊有棕精噴沸浪沉舟不勝計公為文遣之潛遁不復為害行取陞御史巡視太倉有雜派害民一疏當宇悚然垂聽民困大蘇歷陞順天府丞府尹刑部左右侍郎尋轉兵部左侍郎貧者衣履饘日給勿匱成就甚眾施藥士之貧者履饘日給勿匱成就甚眾施藥尺棺歲費數百金無吝色倡義捐輸增城堞三號孟山樵隱與邑之文士登眺賦詩優游歲月年七十不疾而卒

李唐裔

號西林順治丙戌聯捷初授陝西平涼府推官甫蒞任即赫赫有神明之譽才優政敏執法如

山時值兵興地方頗稱多事公盤錯中愈見
器六載九薦卓異天下第一行恥陞兵部督捕
主事秉公持正開釋無辜全活不可數計歷陞
職方郎題留久任改授禮科給事中立案朝錚錚
有聲指陳天下利弊切時宜裁缺回籍尤篤
梓桑九地方所宜興革悉與當道公言之官民
倚重改補山西道監察御史未任告病奉
旨仍以給事中用見候補

張震

字青雷王革莊社人以歲試第一准恩貢初任
江南常州府通判四運漕白稱職陞廣東潮州
府同知蒞任之始鄭逆入寇公督造戰船修營
房濬溪濠築堤坂建草廠置學田善政種種士
民戴之及乞歸為
立祠立碑以祀

論曰偉哉中丞功烈烈而名休休尚矣張如此其威也孫如此其勁也重慶也惠鶴慶也能五河事理安塞民懷叙州吉安以義著眞定無極以仁孚勛何爛也

國朝以來才人輩出表帥不愧乎民牧建白有光於言責皆彬彬奏顯績焉誰謂百里中無賢豪耶後之君子攀龍附鳳慎勿以紆紫垂青沾沾喜色而立德立功天壤相敝斯不負

朝廷養士之意矣

將材

西漢

駟先生

睡人淮陽憲王母舅張博遺王書曰聞睡有駟先生者善為司馬兵法大將材也博願得謁見
究竟要道方今邊鄙弗寧天
下騷動微此人莫能安也

元

隋世昌

涉獵書史善騎射長八尺持鎗四十餘斤能左右擊刺仕至安遠大將軍改沂刻上副萬戶嘗與宋數百戰雖血流滿甲勇氣愈壯所在克捷卒封定海侯謚忠勇

棲霞縣志

卷之六

將材

十

牟全

鐵口人至元間詔下東征日本公管領戰船創開水道風波萬里奮不顧身賜金牌掌持兵印
忠顯校尉管軍千戶陞武
畧將軍其子元承襲其職

明

李日舒

邑廩生膂力非常遂肆武業時方多故詔選將材公赴都與試特取天下第一授守備流寇猖
陷勢不可為公奮力死戰歿於王事

論曰余讀張博所稱駟先生者行事不少見
然意其人其儒者之流亞歟語云運籌帷幄之
中決勝千里之外不戰屈人當非超距之倫可
同日語也若隋若牟若李皆有經畧之材過人
之力或戰勝攻克或乘風破浪或視死如歸今
讀其傳凜然猶有生氣非說禮敦詩能如此乎
是故有文事者有武備余樂爲表之以告夫後
之爲干城者

狷士

明

魯麟

字文瑞天性樸誠學問精博多士宗焉由歲貢
令桃源正同邑孫祿守楊州時也會張御史怒
孫而遷於公畧不介意直已守義初無他腸委爲
公難之公畧不介意直已守義初無他腸委爲
運艘費頗羨公秋毫不染陞貳滄州苦節益勵
及謝事歸杜門講學絕與塵事無涉官府無聞
者凡二十年

劉棟

字汝峻賦性安恬處心公恕雅度恢恢橫逆不
校以歲貢司訓密雲當道賢之特委查邊例應

棲霞縣志

卷之六

狷士

十一

千餘金公力辭以學職不可歸之日隻身徒步
並空囊無有也居林下數年不踐囂城不揖俗
軌雖衣結釜塵未嘗仰面於人豪富卽敦請亦
不枉道交之伎求兩忘花木獨娛年八十餘而
筋力顏色無異少壯養可知矣知
縣何思鰲聞於上以儒逸扁其門

論曰二公仕隱不同而所以仕所以隱同厚利
可捐也苦節可貞也俗交可絕也語云高山仰
止景行行止生非其鄉猶將稱羨之而不能已
而况懿行美德昭然於閭里者何忍聽其沒沒
耶表而著之爲世俗勸

義行

明

劉文萃

邑庠生正德七年流賊肆掠公率眾御之不勝被執公無怖色大罵不屈遂遇害

王璘

字廷玉當流賊橫行時避難自遠方來者輒慕義赴公公悉為館穀有張賢者疾卒斂如所親西郊一即墨人卒延福寺斂之棺之仍招其子扶櫬而歸它如嫁孤女卹獨義舉良多也

馬騏

陰陽官天性孝友制行高潔其弟純仁早喪配偶誓不再娶止遺病子負式甫三齡公與妻鄒

棲霞縣志

卷之六

義行

十四

氏朝夕哺其飲食撫養不似猶子多方課其詩書教誨更倍親生後負式補弟子員得以有室者皆公之仁也公其仁人哉

林茂

貴雄一邑而性好施景泰年大禋邑人乏食公傾困賑粟千石全活實多是年子恂生人以爲善慶云昔縣東有勅建義民坊

林峪

建德主簿林廷秀之父也平生憫窮卹匱傾囊弗恡成化六年禋輸粟千五百石助賑有司上聞奉旨嘉獎勅爲義民

王鼎

字大器歲貢憑松山之麓為人素輕財樂義以乏告輒傾囊助之稱貸者聽自償負則置

孫瓚

字寶器歲貢性淳樸易直自垂髫以至皓者未嘗與物競邑苦差徭賦役公蒿目棘心有年乃

赴都院條陳利病遂獲裁省文廟祭器歲久多廢公置木豆三百後以歲貢選貳陽曲之官十

八日歸

王謨

字嘉甫璘仲子也早失怙恃兄嫂撫成公能父母事之嘗有族人王棋被毆自經犯者夜餽百

金公力辭然竟不校登州友人秦章誣配過邑公助月糧五石泉水等諸社俗羅教公理諭

漸有省改一切奢靡游俠輩見公輒斂戢愧心後歲貢為陽城訓頗以課業得士心及期乃卒

棲霞縣志

卷之六

義行

十五

郝如金

字子純以選貢貳忻州公天性孝友跣足百里取神水起母疾恭於從兄若同胞淑後學却束

修以資貧乏門下成就者甚衆夜遇醉人臥冰上幾殞命解衣活之京師會林鳳桐並妻母丐

難回籍寧負債遣歸居廉惠林下清貞德誼靡可殫述子成進士人謂天之與善人也至

今猶多追思

郝源

邑庠生字澹之西北隅人慷慨樂施惡人之難萬曆二十年秋禋甚次年餓載路有司雖

多立粥廠第四方就食者萬餘難遍及憫之輸粟助賑仍捐金以濟寒士本地暨流來全活

衆焉撫按二司皆給扁旌其門一時有水道社民李廷器亦聞風輸粟旌亦如之咸謂公

云化

孫秉燹

邑庠生善友愛其姪方泰少孤撫養不異已子及姪入泮遂將所創家產子姪均分人皆義之

衣守信

號復齋邑庠生郭落莊社人大度能容橫逆至杜門不與較或有清丈其田者以私忿多增上等公拜謝曰此勉無賣日君之賜也發憤為雄嚴以教子其子書館歸必使家人大呼曰郭落莊里長衣某至力行善事自決其後必昌乃大書於壁曰吾兒他日得志善承家道勿忘今日杜門時也其子惟孝官少叅孫璟如成進士漠中司李

孫瑾

棲霞縣志

卷之六

義行

十六

父母早逝遺弟瑜最幼撫養克盡及長析爨祖宅膏壤讓弟已取空缺礪瘠者居官家財任弟用胞姪以緝生之成之子姪無異視族中子弟讀書為之擇師每歲終各作禮衣以示獎勵本社荒殘以苦納預支銀兩人多逃亡公每歲以廩銀抵作社下預支鄰里安堵司鐸昌樂禹城兩處糾士子肄業捐俸自備供給有湖州遺風

孫維貞

歲貢事繼母鄒以孝聞教幼弟維祚維祥次弟成名人稱其友樂育英才邑士從遊甚眾貧者不責束修或以衣食給之杜門樂業以此終身

宋遵周

邑庠生值登亂士民多驚避公仗義以守與知縣李升吉矢志孤城嚴防數月兩次被圍棲

保全無害公之力居多焉鄉
官郝晉以績薦舉宜川知縣

曲唱

邑庠生時值改革隱居自廢留心
數學身親耕稼以勤苦終其身

國朝

李東儒

號振菴瓮留社人早孤事孀母盡孝事異母兄
克弟待姪如子長而慷慨好義憂人之憂能不
為利勢撓晚年理家勤儉教子嚴明後人
顯大恩綸寵錫僉謂善行之報云

牟鏜

字夔田幼擅夙慧總角能文為人孝友慷慨樂
施庚辰歲稔遵母命施糧施粥以濟饑生平樂

棲霞縣志

卷之六

義行

十七

告人善遇人有過直言無隱人皆諒之不輕謁
官府邑有公事則挺身而出教子嚴庭訓讀書
學禮之外毫不言及家事揮金如
土竟以此貧已丑歲貢未仕而卒

謝肇基

字胤岐歲貢士讀書秉禮恂恂儒者也敦繕人
倫襟懷恬澹有文名樂育後學邑士從遊者衆
教子以義方嗣多英才
蓋家學淵源有自云

韓嘉桂

字紫岩賦性慷慨神宇磊落不羣人以緩急求
靡弗應生平善詠諧然與後生遇則正色以禮
義訓之諄諄皆長者言也其子正倫薦賢
書益著謙和志行邁俗有古君子之風

衣惟敬

字貞白，邑庠生。孤潔寡合，不苟言笑。居嘗怡情，山水少有得意。輒寓諸筆墨，兄惟孝，姪璟如俱。成顯宦，公澹然無異。寒素，潔修書舍，植松竹多。貯羣書而兀然其中。日是足老我矣，清遠絕塵。以此自終。

劉孔熠

字春域，邑良醫也。早孤，事母克孝。養生送終，盡心盡禮。師事醫人林東崗、大闡、岐黃之奧，決生死起沉疴。行醫六十餘年，多所拯濟。求者踵至，稱曰神醫。其師老，迎養於家，及卒，與營葬事，不吝財資。養兄撫姪，克敦友愛。年登八十餘，稱耆壽焉。

李若蘭

字靜以，邑庠生。瓮留社人，世居北關。天性純良，存心利濟。北門外迎仙橋，缺陷率眾修補，以便

棲霞縣志

卷之六

義行

十八

行人捨藥歷久不懈，全活甚眾。養濟院歲久傾圮，倡蓋茅屋二十四間，孤寡人等咸獲寧宇。庠生張錫光，街民史陞等，公舉邑侯莊公案下。公欣然給扁旌獎，以表善，以彰風化焉。

隋天應

號長久，水頭社人。天性醇良，積而能散。康熙三十六年丁丑春，歲饑，邑人乏食，公煮粥賑之。全活甚眾。康熙四十二年甲申歲，大饑，殍載道，僵尸成邱。公復竭力煮粥，其妻馬氏身任其勞。歷三月不倦，遠近就食者，日數百人，死不能葬者，施棺殮之。貧不能娶者，捐資恤之。又傭人拾枯骨三年，人謂其有伏波堯夫之風。乾隆七年，闔學呈請，列享忠孝祠。

論曰義哉文萃亦不幸敗耳如其成也卽淳干
之保登萊不是過矣然惟敗而不屈而公之義
益烈撫孤也捐凜也解衣也收亡也拯災也容
物也義而仁却金也範俗也成材也全節也義
而正陳言也修廢也禦患也倡守也義而任要
皆有可觀者焉懦夫立鄙夫寬宜諸義人之施
遠矣

孝子

明

段忙兒

母遭奇疾屢藥不効乃割股煮藥進服之即愈有司以其事聞奉詔旌表

郭强

未事詩書天性純孝母卒葬河涯村西南强廬墓三年朝暮竭誠負二築墓偶有清泉流於其側三年完日泉遂涸有司以其事聞撫按交扁其門

林有李

幼失怙恃祖母撫養成及故廬墓三年人稱順孫

棲霞縣志

卷之六

孝子

二十

周貽辭

孝親廬墓以布衣賜衣巾

杜汝愛

母死廬墓三年又廬祖墓三年

孫斯繩

拔貢癸未城陷捍親受害

鄒守忠

父死廬墓三年

國朝

蔣應恒

廬墓三年後順治十二年夏旱
應恒出禱甘霖大澍是年有秋

楊守祿

母外廬墓三年泣血未嘗見齒百步外足不至
焉著安分守己詩以訓子鄉官李扁旌其門

呂大漢

農民也居住埠後村順治十八年大旱呂祖方
歿居民疑為旱魃聚眾擊之呂日夜守禦被刺
側墓

梁學孔

農民也事親克孝其母卒奉養老父不
顧其子夜隨父眠凡六年父卒乃已

棲霞縣志

卷之六

孝子

二十一

林

汝松
汝栢

因亂與母相失二子棄家覓得之爭以身易母
母不可乃為傭數載諸艱備嘗以其工貲贖母
歸

楊守節

親歿廬
墓三年

孝女

明

李氏

艾山人父採石南山為蟒所食氏往哭之慟誓必得父屍俄頃天大雷雨震蟒裂其腹父屍乃見氏負土掩之觸石而外有司立祠祀焉

孝婦

明

棲霞縣志

卷之六

孝女孝婦

二十二

牟氏

林正行妻鄉官道行女翁姑俱近九旬老病臥牀者十餘年氏竭力奉養自始至終久而不懈飲食必潔必豐聽其所與以悅親心病中遺穢倉卒間或以手承之藥則必親必嘗其翁姑卒

治喪盡禮
僉謂克孝

論曰孝庸德也乃讀詩書所稱虞周之所爲則
門內之治實有橫塞天地之義焉今第徵孝於
廬墓等事其爲孝也亦微矣况虧體危親又功
令之所禁則段郭諸君子似亦碌碌無奇者不
知孝固百行之所先也苟有以自盡其心斯其
人固無愧於原本矣李氏女一念之誠得父屍
以畢志竟捐其身殉何烈烈也而牟以翁姑衰
暮之年周旋膝下歷十年而不倦殆所謂仁孝
性成不可以強而致者耶凡爲人子者其尚三

復於斯矣

蒙天綮

義夫

明

馬純仁

字希范嘉靖甲辰歲貢時年三十有六妻丁氏卒遺一子甫三齡卽貢士馬負式也公矢不再娶宦遊十五載惟一僕隨之鰥終其身歷三十年居恒手持一編不問寒暄斃而後已

國朝

高朗

妻亡不再娶教子入泮鰥居終身

蒙天榮

棲霞縣志

卷之六

義夫

二十四

論曰馬公三十餘年鰥也半任宦千里孤獨不欺初心又如此其久也難矣哉且稱公者不寧惟是守官砥節捐祿推恩林下清貧胸中順適不隨世逐不與物爭坐讀行吟自得其得而已公蓋有道者流矣惟其有道是以能義若高公者其亦聞而興起者乎

賢婦

王氏

幼字於姜未及嫁其夫有廢疾父母欲奪
婚氏不可及適姜貧苦備嘗克盡婦道

節婦

明

李劉氏

劉氏隋好信妻李氏好信弟好智妻也俱鳳山鄉人隋兄弟相繼亡二氏誓節不他紡績相倚以育諸孤四十餘年有如一日景泰元年有司申請墓使覈實奏聞詔立坊表並蠲徭役恤之

林氏

太守公恂之姊也徐懋妻生一子而寡矢志撫孤孀節凜凜壽五十卒

王氏

棲霞縣志

卷之六

節婦

二十六

歸林九思越五年九思歿氏二十三齡撫一女誓無二適後女死亦不易心貧苦異常孀操益勁或勸之嫁輒正色拒之逢歲時必登夫之隴哭而祀焉如此者五十餘年壽七十五卒鄉人義其貞純為合葬於尤思之墓

林氏

李鳴鶴妻七年鳴鶴卒氏年二十有五子時在襁褓氏勵節撫孤卒訓其子成庠生壽六十其司表其門

姜氏

萊陽人適邑人林質質卒氏撫幼子守貞不移以壽終

高氏

監生李鳴鳳妻鳴鳳卒氏年二十四有遺腹三
月後生男撫孤砥節矢不二心紡績營求義方
訓子孀居五十七年無異議萬曆十八年士民
公舉知縣何思鰲聞於上奉按臺鍾分憲林立
扁其門仍
給之穀

王氏

李林妻年十八適林後九年林構卒氏欲從
因姑在乃縫績度生孝以事姑四十餘年如一
日有豪富謀娶氏委曲阻之矢不改節雖貧甚
絕不求貸親族鄉人無良頑大小皆加敬重有
司上聞按
臺扁其門

牟氏

李世家妻鄉官道行女十九夫亡上有老姑其
子篤材方在抱氏上事下育備極苦心子長遊

棲霞縣志

卷之六 節婦

二十七

庠母終歸葬氏嘆曰吾守節
一生今無憾矣壽七十餘卒

馬氏

增生孫維祥妻鄉官國卿女十六夫亡守節終
身按院扁旌其門題曰苦節堪垂年六十三卒

李氏

王澤泳妻學正一科女十九夫亡守四齡子
亡育孫孀居四十餘年艱苦備嘗至老言笑不
苟壽六
十七卒

李氏王氏

李廩生孫聲達妻王其妾也夫亡王無出李令
一子爲王後兩氏同心一愛一敬栢舟共矢節

塋冰霜世
稱雙壁

郝氏

庠生衣應聘妻庠生源女十
九夫亡撫子佩印成庠生

鄒氏

庠生牟鉅妻夫亡
撫子國祚成庠生

劉氏

庠生王化振妻夫
亡撫子質成庠生

王氏

儒童牟國溥妻廩生化源女
夫亡子幼家貧守子成立

牟氏

棲霞縣志

卷之六

節婦

二十八

庠生王化伋妻初適未踰年夫亡
僅有遺孕生子憲撫養成庠生

劉氏

林脫魯妻十七夫亡有遺腹子家貧孀居紡績
爲生苦節倍常撫子文煥成庠生壽四十卒

馬氏

高起鳳妻十
八夫亡守子

陳氏

杜若彬妻十九夫亡遺孤成真甫三月
家貧日不再食氏守苦節撫子成立

牟氏

廩生林調羹長男巒妻鄉官國瓏女十七于歸
夫卒氏年二十歲苦節多載撫子毓棟郡庠生

烈婦

明

林氏

隋一龍妻事見墓表載藝文

隋氏

適庠生徐思仁七年思仁病篤氏度難痊對夫誓從死夫將革氏果入臥內整容自縊竟與夫同時氣絕嘉靖四十一年本府同知翟立扁其門

蔣氏

張翼妻年十六夫亡自縊

棲霞縣志

卷之六

烈婦

二十九

呂氏

庠生林發祥妻夫亡自縊癸未城陷開棺視之面色如生

高氏

潘士元妻夫亡自縊

張氏

適庠生鄒著八年著亡氏年二十四矢志從逝自縊嘉靖四十三年監察御史高移檄致祭奏

請建坊

馬氏

劉心赤妻夫病篤氏蓬跣夜承順及疾革氏以死自誓看夫闔棺次日盡散公私囊資歸

姑璋潛於柩，自縊。是年二十一，奉旨建坊。旌表鄉人公題曰：「辭父耶姑。」幾句名言，留宇宙整冠結履一條。白練繫網常。

吳氏

衣潤身妻，夫亡年二十四，遺孤雲鳳。六歲守節，訓子食餼，邑庠崇禎十五年，遇掠大罵，被害時年七十一。

于氏

歸庠生史憲為繼室，越七年，世憲卒，氏即以夙自誓，復瀘無人看，歛臥哭，靈側三日，蓋棺乃自縊。萬曆五年，本府推官李扁旌其門，十年督學副使蹇巡按御史黃移檄重旌。

王氏

宋選成妻，夫亡自縊。

棲霞縣志

卷之六

烈婦

三十

侯氏

年十六為庠生李弘宗婦，又七年弘宗危，疾氏即決意，夙殉。及夫卒，蓋棺從容，拜父母，尊長，若示決別，遂自縊。蓋夫卒之明日也。本縣知縣何思鰲同儒學師弟子躬詣以祭，巡撫尹立碑墓前。巡撫黃奏奉旨給銀建坊。

呂氏

儒士劉必遠妻，時必遠偶罹奇疾，氏事之惟謹，後疾篤，即以夙誓，夫果故，氏恐家人勤守，揚為不夙狀，俟其不意，三更整容，禮服自縊於夫柩。傍知縣張雲霽即赴祭，拜申上，以聞。巡撫黃奏請奉旨給銀建坊。

閻氏

周价妻夫亡
自縊柩前

李氏

庠生王化宣妻夫
亡自縊奉旨建坊

王氏

廩生衣惟友妻與夫同日同時生從夫避難江
南夫亡遺孤六月矢以歿或勸撫孤曰夫亡
婦歿分耳同日自縊
國朝特旨旌表

范氏

庠生王澤洪妻癸未城
陷其夫被難不屈遇害

棲霞縣志

卷之六

烈婦

三十一

劉氏

庠生牟道中妻
癸未城陷自縊

鄒氏

庠生郝延享妻癸
未城陷不屈遇害

王氏

庠生牟鈺妻癸
未城陷自縊

徐氏

廩生王化源妻
癸未城陷自縊

國朝

林氏

庠生李贊妻夫亡自
縊特旨旌表

牟氏

李濬妻庠生鑛之女年二十
五夫亡孀居六載因亂自縊

宋氏

庠生牟鑛男國縉妻邑遭亂氏將
夫存子幼勸之生不聽同夫姊牟氏
同日縊

呂氏

劉坦妻夫歿自縊進士郡學教
授邵士梅紀其事詳見藝文

唐氏

棲霞縣志

卷之六

烈婦

三十二

李三妻其夫不事生理浪遊忘家
氏嚴以防身戶庸竇僅容食獨處
於中三年或有輕薄

者自竇挑之氏自縊
啟戶視之面色如生

柳氏

庠生高灝妻其夫家甚寒氏甫適
夫多觸怒氣氏笑語寬慰奉事惟
謹歷久不怠

夫歿欲殉或勸曰勿自苦氏曰夫
也從夫而逝義也觀者如堵皆泣
下對衆自縊

面貌如生知縣胡璘親往祭之鄉
李唐裔捐金以葬作傳立碑見藝文

王氏

邑人建績女適萊儒童李墳夫病
相從於地地下耳及夫亡氏將歿
其父亦不阻其

歿然情難忍也氏從容整衣焚香
某年某月某人從夫殉節祝罷聚
其親長一

拜辭之遂自縊
時年十八歲也

衣氏

武生馬健妻聞兵
亂飲鹽汁身亡

孫氏

萊童董道廣妻庠生
士彦女夫亡自縊

周氏

劉思智妻夫病垂
危先自縊夫遂亡

呂氏

庠生李瑾妻夫
亡觸石而死

史氏

牟氏

兩婢
從死

棲霞縣志

卷之六

烈婦

三十三

段氏

林氏

林氏

宋氏

以上六名其事
不傳僅存姓氏

牟氏

邑廩李份繼室也庠生國垣女夫亡歸與父
母訣反而自縊柩側儀容莊雅倍於生前

何氏

邑壬戌進士牟國玠之繼室也蓬萊庠生景允
女年五十八歲夫亡自盡內閣學士王公之

爲立傳詳
見藝文

劉氏

署縣事本府同知楊廷望曰烈婦棲邑庠生柳映參妻也出自蓬萊舊族于歸數載未及生子而映參忽於本年三月四日抱病卒蓋康熙壬午也烈婦時年二十有二痛夫長逝誓不獨存氏之姑與母多方勸慰氏終不移越五十日而飲鳩自盡殮之夕顏面如生余適來署篆義其事之有關風化也因給匾致祭以妥幽魂且俟後之採風者覽焉

附署廳楊 祭劉烈婦文 靈山巍巍文水沕

沕儲精孕英挺生奇節嗟哉柳生丰姿超軼年
少遊庠蘭芽露茁天不祚年倏焉長別警咳猶

存音容銷滅赴召修文遺妻孤子伉儷已矣死
生永訣繡帳誰懸琴書徒設衾冷幃空雲遮月
缺覩物心酸須臾欲絕拊膺椎胸水漿哽噎姑
嫜動容温語解說伯姊憂疑盤桓更迭氏也無
言肝腸寸結之死靡他有如堅鐵晝夜號啕肌
膚若裂扶乾砥坤爾頭可截嚼蘖吞冰爾牙堪
齧其光瑩瑩不可少涅其志錚錚復何所屑就
義從容爾心則悅閤戶飲鳩今霄同穴州里驚
惶道途咋舌萬口壹詞女中豪傑翱翔九霄杜

鵲滴血我來是邦緬懷先哲忽聞貞媛我心淒
切憑吊古今詩書翻閱有婦如此栢舟一轍吁
嗟庸夫貪生太拙多少豪華殘碑斷碣生也何
爲死而何劣茫茫百端賢愚異列惟此幽魂風
清義烈我奠爾酒酒甘而冽我陳爾粢粢馨而
潔魂兮來歆短歌將闋墓草芊芊鬼莽晰晰名
之芳兮翠屏之薜氣之清兮海天之雪

劉氏冰雪爲姿松筠作操柳郎花謝書案蕭蕭
蕙質傷心粧臺寂寂痛良人之已逝生也何爲

嗟年少之誰依死而靡怨丹枕血染不隨滄海
俱波白骨香凝應傍艾山作翠非但於今爲烈
亦且自古爲難所宜急加旌獎以表芳魂者也
行學取結以憑詳報繳

張氏

贊禮生牟汝礪長男岐之妻也夫死屬壙之十日自縊以殉繞膝兒女弗顧焉叔曰笏曰抗節蹈義鬚眉猶鮮氏以巾幗扶坤植軋烈性剛腸如火斯燃淚斑湘竹血啼杜鵑義可以取生可以捐命終三紀魂返九天婦兮從夫漆固膠堅追隨夜臺含笑黃泉方汝踪於栢舟兮將誓死而靡遷比汝心於松筠兮歷霜雪而彌妍亦瞻前其顧後兮乃雉經而蛻蟬裁短章以慰爾幽貞兮用誌芳徽以永傳

邑侯伍環張烈婦序 烈婦與節婦孰難必曰

烈婦難既難矣例不准旌者何曰慮其輕生也

然將聽其湮沒不傳已乎曰慮其輕生而不可

棲霞縣志

卷之六

烈婦

三十三之四

為訓者

朝廷之制也不忍湮沒而垂諸邑乘以誌不朽者有司之事也雍正己酉秋予宰棲邑甫一月而張氏以縊故聞詢之乃知夫亡與亡予固已驚而異之至朔日謁 學諸生為予言曰張氏牟岐妻也岐父汝礪為學中贊禮岐業儒未遂家貧夫妻饁餉如賓今年秋岐以病故張氏誓與俱殉翁姑知其意勸諭再三因其志不可奪防閑有加焉乃須臾少間即投縵於柩旁嗚呼生與

論曰士之著名也易女之著名也難士兼百行苟可以一才一藝傳猶不失爲聞人女止四端大德或虧雖材美無稱焉而世之論者方且寬於士而刻於女如夫婦人倫之始不責夫以信義而必求婦以節烈嗚呼歿節立孤均非易事可盡望之婦人女子流歟夫士君子讀書譚理忠孝大節講求已素有所慕而爲善亦人情之恒也彼巾幗箕帚之輩足不踰壺閨事不越中饋聞見不過姑妯之行一旦蹈不測而

非常凜然弗可犯矚然弗可淄有學士大夫之所隱忍而無如何者慷慨從容獨得其當此豈非得乎天者多耶概列其人以垂不朽若夫時移世易多漣沒而名不稱者則文獻無徵今昔同慨矣

義僕

林之珍

庠生林佺僕原名劉住子其主被誣繫臬獄者三年家資抄剪牢食不支珍隻身供應久而不怠其主昭雪歸以珍為姪乃錫茲名家資平分無異骨肉以報德也

林進祿

庠生林允祿僕于逆變亂殺掠鄉村主母老苦難動移進祿夜負以逃保全無害其主被誣亦繫臬獄三年進祿與珍爭先効義各顧其主其主昭雪歸厚遇進祿人稱林有兩義

論曰甚矣忠義之不可以類拘也國家懸異
以待士尊爵厚祿亦欲收臣子一日之報而爲
之臣者又皆學古入官居然自命爲貞亮者也
一旦事變當前往往以一念之利害遂至移生
平之所守而忘私忘身乃得之奔走廝養之徒
夫當流離瑣尾之際其主之不爲溝中瘠者幾
何彼從事於斯者亦何所利而爲之而出入患
難之中盡瘁鞠躬三年而不倦蓋亦有獨苦其
心而不以告人者卽以爲忠義何愧焉而況士

君子拜命

王國受

朝廷養士之恩其自靖又當何如也

異人

丘處機

字通密自號長春子本縣濱都里人金皇統間其母感異夢而娠將誕紅光映室隣以為丘氏火趨救之乃舉子兒時有相者曰異日當是神仙宗伯年十九為全真學入崑崙師重陽子友譚馬劉諸人開煙霞洞建五大會後入磻溪穴居日丐一食披一簑人謂簑衣先生尋隱隴州龍門山七稔道既成聲達帝庭金世宗徵赴燕都錫宴詔對數以持盈守成為戒旋歸棲霞大建太虛宮山東亂駙馬都尉僕射散公討之登及寧海未服請公撫諭公至投戈二州乃定會元太祖聘而金使亦至公辭謝二使退曰吾行止天也今天道在此吾將順受其正遂應元聘太祖召見每言欲一天下必在不嗜殺人為治在敬天勤民長生在清心寡慾瑞鶴隨翔甘霖

棲霞縣志

卷之六

異人

三十七

應禱熒惑犯尾禱之退舍一時自天子以至庶人莫不師事忽大雷雨太液池南岸圮水入東湖聲聞數里池遂涸壯口山亦摧公曰山其摧乎池其涸乎吾將與之俱乎遂化去越明年弟瞻禮三日葬燕都白雲觀之順處堂

論曰語有之聖人不師仙厥術異也長春子其

仙蛻者乎然未嘗以不經誣鼓曰敬天勤民曰

清心寡慾曰持盈守成所謂聖人之道異耶同

耶師廣成者其治盛師老邨者其道崇師蓋公

者其功名亦在竹素何厥術之不可師也

棲霞縣志卷六終